



Մ Ա Յ Ր Ա Թ Ո Ռ Ո Ւ Մ

ՄԱՐՏԻ 11-ին, ՇԱՐԱԹ, Հոգևոր ձեմարանի ընթերցասրահում տեղի ունեցավ ուսանողության ուժերով կազմակերպված գրական-գեղարվեստական երեկո:

Գրական-գեղարվեստական երեկոյին բարեշնորհ Արշավիր սարկավագ Շաքարյանը կարդաց «Անառակ որդին» խորագրով իր գրած քարոզը: Ուսանողները կատարեցին արտասանություններ, երգեր ու խմբերգեր:

Գրական-գեղարվեստական երեկոյին ներկա էր Վեհափառ Հայրապետը:



ՄԱՐՏԻ 12-ին, ԴԱՏԱՎՈՐԻ ԿԻՐԱԿԻՆ, Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը: Քարոզեց արժանապատիվ Տ. Հովհաննես քահանա Մարությանը՝ «Պարտ է յամենայն ժամ կալ յաղօթս և մի՛ ձանձրանալ» բնաբանով (Ղուկ. ԺԲ 1):

Սուրբ պատարագին ներկա էր Վեհափառ Հայրապետը:



ՄԱՐՏԻ 16-ին, ՀԻՆԳՇԱՐԹԻ, երեկոյան ժամը 4-ին, Հոգևոր ձեմարանի ուսանողությանը «Մարդու նկարագրի ճարտարապետությունը» թեմայի շուրջ շահեկան դասախոսություն կարդաց ձեմարանի դասախոս Սարգիս Կոնսուլյանը:

Դասախոսությունը լավեց խորին հետաքրքրությամբ:



ՄԱՐՏԻ 18-ին, ՇԱՐԱԹ, «Տօն է Սրբոյն Դրիգորի Լուսաւորչին մերոյ սոսկալի շարանացն և մտին ի վիրապն»:

Մայր Տաճարում պատարագեց և օրվա ազգային-եկեղեցական տոնի հոգևոր նշանակության մասին քարոզեց գերաշնորհ Տ. Վարդան եպիսկոպոս Տեր-Սահակյանը:

Սուրբ պատարագին ներկա էր Վեհափառ Հայրապետը:

Նույն օրը, Երևանի եկեղեցիներում, օրվա տոնի և Մեծ Սրբի կյանքի ու գործի մասին քարոզեցին Մայր Աթոռի միաբան սարկավագները:

Օրվա տոնի առթիվ, նույն օրը, փակ էր Հոգևոր ձեմարանը:



ՄԱՐՏԻ 19-ին, ԳԱԼՍՏՅԱՆ ԿԻՐԱԿԻՆ, Մայր Տաճարում պատարագեց հոգեշնորհ Տ. Հուսիկ վարդապետ Սանթուրյանը և հավուր պատշաճի քարոզեց Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը:

Սուրբ պատարագին ներկա էր Վեհափառ Հայրապետը:



ՄԱՐՏԻ 20-ին, ԵՐԿՈՒՇԱՐԹԻ, Հոգևոր ձեմարանի ուսանողությունը, դասախոսական կազմի գլխավորությամբ, ուխտի գնաց խոր Վիրապի վանքը:

Սրբավայրում, ուսանողությունը կատարեց իր ուխտը և ապա հանգամանորեն ծանոթացավ խոր Վիրապի վանքի պատմությանը:

Այնուհետև ուսանողությունը այցելեց Դվինի ավերակները, ուր նույնպես ծանոթացավ Հայաստանի երբեմնի մայրաքաղաքի պատմության, քաղաքի Մայր Եկեղեցու և Կաթողիկոսարանի շինությանը:

Ուսանողությունը երեկոյան ուրախ և բարձր տրամադրությամբ վերադարձավ Մայր Աթոռ:



ՄԱՐՏԻ 22-ին, ԶՈՐԵՔՇԱՐԹԻ, Մայր Տաճարում կատարվեց Մեծ պահոց Արևագալի վերջին հանդիսավոր ժամերգությունը, Վեհափառ Հայրապետի նախագահությամբ:

Արևագալի ժամերգությանը ներկա էին Հոգևոր ձեմարանի դասախոսական կազմը և Մայր Աթոռի պաշտոնեությունը:

ՄԱՐՏԻ 23-ին, ՀԻՆԳՇԱՐԹԻ առավոտյան, Հոգևոր ձեմարանում սկսվեցին կիսամյա քննություններն ու ստուգումները, որոնք տեղեկություններն մարտի 28-ը, երեքշաբթի օրը։ Ուսանողությունը հաջող քննություններ հանձնեց ընդհանրապես «լավ» և «գերազանց» գնահատականներով։

ՄԱՐՏԻ 24-ին, ՈՒՐԱԹ երեկոյան, Մայր Տաճարում, Վեհափառ Հայրապետի նախագահությամբ, կատարվեց Մեծ պահոց վերջին հանդիսավոր հսկումը։

ՄԱՐՏԻ 26-ին, ԾԱՂԱԶԱՐԴԻ ԿԻՐԱԿԻՆ, Մայր Տաճարում եպիսկոպոսական հանդիսավոր սուրբ պատարագ մատուցեց Վրաստանի հայոց թեմի առաջնորդ գերապատիվ Տ. Կոմիտաս եպիսկոպոս Տեր-Ստեփանյանը և քարոզեց՝ նկարագրելով Քրիստոսի հաղթական մոտեցրեց Երուսաղեմ, վեր հանելով օրվա մեծ տոնի բարոյական նշանակությունը։

Սուրբ պատարագին ներկա էր Վեհափառ Հայրապետը։

Երեկոյան ժամը 5-ին Մայր Տաճարում տեղի ունեցավ «Դռնբացեք»-ի հանդիսավոր արարողությունը։

Ներկա էր Վեհափառ Հայրապետը։

ՄԱՐՏԻ 29-ին, ԱՎԱԳ ԶՈՐԵՔՇԱՐԹԻ, դատակալան տոնների առթիվ, Հոգևոր ձեմարանի ուսանողությունը տրվեց արձակուրդ։ Երեկոյան ժամերգությունից հետո ուսանողությունը խոստովանվեց Մայր Տաճարում։

ՄԱՐՏԻ 30-ին, ԱՎԱԳ ՀԻՆԳՇԱՐԹԻ, «Յիշատակ ընթերցեց Տեառն մերոյ Յիսուսի Քրիստոսի»։

Առավոտյան ժամերգությունից հետո Մայր Տաճարում պաշտվեց սուրբ պատարագ։ Պատարագից հոգեշնորհ Տ. Գարեգին ժայրագույն վարդապետ Տեր-Հակոբյանը։

Սուրբ պատարագի ավարտին, Հոգևոր ձեմարանի ուսանողությունը ստացավ սուրբ հաղորդություն։

Երեկոյան ժամը 5-ին, Մայր Աթոռի լուսարարագետ գերաշնորհ Տ. Սահակ արքեպիսկոպոսի հանդիսադրությամբ, կատարվեց «Ուտնալվա»-յի կարգը։

Հանդիսության ներկա էր Վեհափառ Հայրապետը։

Երեկոյան ժամը 7-ին Մայր Տաճարում պաշտվեց հսկում և գիշերային ժամերգություն։ Վեհափառ Հայրապետը կարգաց հրավերի առաջին մեծ Ավետարանը։

ՄԱՐՏԻ 31-ին, ՈՒՐԱԹ, «Յիշատակ շարառանաց և խաչելության Տեառն մերոյ Յիսուսի Քրիստոսի»։

Առավոտյան ժամը 9-ին Մայր Տաճարում կատարվեց խաչելության կարգը։

Երեկոյան ժամը 5-ին Վեհափառ Հայրապետը Մայր Տաճարում նախագահեց թաղման արարողությունը։

ԱՊՐԻԼԻ 1-ին, ԾԱՐԱԹ, «Ծրագալոյց Զատկի»։

Մայր Տաճարում ավանդական հանդիսավորությամբ կատարվեցին առավոտյան և երեկոյան ժամերգությունները։

Հոգևոր ձեմարանի ուսանողները հաջողությամբ ընթերցեցին Դանիելի գիրքը։ Ծրագալոյցի սուրբ պատարագը մատուցեց գերապատիվ Տ. Սահակ արքեպիսկոպոս Տեր-Հովհաննիսյանը։

Հավարտ սուրբ պատարագի, Վեհափառ Հայրապետը, եկեղեցական թափորով և «Այսօր յարեալ ի մեռելոց» շարականի երգակցությամբ, առաջնորդվեց Վեհարան, ուր օրհնեց միաբանությունը։

ԱՊՐԻԼԻ 2-ին, ԿԻՐԱԿԻ, ԶԱՏԻԿ, «Յարութիւն Տեառն մերոյ Յիսուսի Քրիստոսի»։

Առավոտյան ժամը 11.30-ին Վեհափառ Հայրապետը, ամպհովանու տակ, հանդիսավորությամբ առաջնորդվում է Մայր Տաճար, մատուցելու Զատիվա տոնի առթիվ հայրապետական սուրբ պատարագ։

Ս. Սեղանին սպասարկում են գերաշնորհ Տ. Սահակ և Տ. Վարդան սրբազանները, վարդապետներ, քահանաներ և սարկավազներ։

«Հայր մեր»-ի ժամանակ քարոզում է Վեհափառ Հայրապետը։

Նույն օրը, երեկոյան ժամը 11.30-ին, երեկոյան ռադիոկայանից ձայնասփռվում է Վեհափառ Հայրապետի զատկական քարոզը։

Հավարտ սուրբ պատարագի, Վեհափառ Հայրապետը Վեհարանում ընդունում է զատկական շնորհավորություններ միաբանության և պաշտոնական անձանց կողմից, ապա օրհնում է և բարեմաղթություններ անում Մայր Աթոռ Ս. Էջմիածնի անասանության և Հայ Եկեղեցու պայծառության, Հայրենի երկրի և համայն հայ ժողովրդի բարգավաճման և աշխարհի խաղաղության համար։

Ժամը 4-ին, Վեհափառ Հայրապետը բարեհաճում է զատկական իր սեղանին մասնակից դարձնել Մայր Աթոռի միաբանությանը, պաշտոնական անձանց և հյուրերին:



Աղոթիլի 3-ին, ԵՐԵՎԱՆԻ ԱՐԹԻ, «Յիշատակ մեռելոց»: Մայր Տաճարում պատարագեց հոգեշնորհ Տ. Հարություն վարդապետ Մատենյանը:

Հավարտ սուրբ պատարագի, կատարվեց հոգեհանգիստ «վասն համօրէն ննջեցելոց»:



Աղոթիլի 4-ին, ԵՐԵՎԱՆԻ ԱՐԹԻ, Վեհափառ Հայրապետի բարձր հրամանով, Հնդկաստան, Իրաք և Լիբանան գործուղվեց մի պատվիրակություն, բաղկացած գերաշնորհ Տ. Հայկազուն արքեպիսկոպոսից և դիվանապետ Հայկ Առաքելյանից:

Մայր Աթոռի պատվիրակությունը մեր եկեղեցիներին և հայ հավատացյալ ժողովրդին կտանի Ամենայն Հայոց Կաթողիկոսի օրհնությունները և հայրական խորհուրդները՝ ի շինություն և համրապնդումն մեր ժողովրդի հոգևոր միասնության:



Աղոթիլի 4-ին, ԵՐԵՎԱՆԻ ԱՐԹԻ, Հոգևոր Ճեմարանի ուսանողությունը զբոսապտույտ կատարեց զեպի Արզնի առողջարանը:

Արզնիում ուսանողները, հաստատության գլխավոր բժշկուհու առաջնորդությամբ, այցելեցին առողջարանի կաբլինտները, լողարանները, եղան Արզնի կուրորդի առաջին և երկրորդ բաժանմունքներում, և հրաժեշտ առին լավագույն տպավորություններով:

Ուսանողները նախաճաշեցին Արզնի առողջարանին կից, Հրազդանի ափին:

Այա ուսանողները իրենց ճանապարհի վրա այցելեցին Եղիվարդի պատմական եկեղեցին, դիտեցին նաև Աշտարակի գմբեթավոր բազիլիկան:

Երեկոյան ժամը 4-ին ուսանողները վերադարձան Մայր Աթոռ քաղցր հուշերով:



Աղոթիլի 5-ին, ԶՈՐԵՔԱՐԹԻ, Հոգևոր Ճեմարանի ուսանողները զբոսապտույտ կատարեցին զեպի Երևան: Ուսանողները եղան Պետական պատկերասրահում, Թումանյանի տուն-թանգարանում, այցելեցին Պանթեոնը, ուր կանգ առին Կոմիտաս վարդապետի շիրմի առաջ:

Ուսանողները ապա այցելեցին Հրազդանի ձորը, եղան մանկական երկաթուղում ու վերադարձան Մայր Աթոռ:



Աղոթիլի 6-ին, ՀԻՆԳՇԱՐԹԻ, զատկական արձակուրդներից հետո, վերսկսվեցին Հոգեվոր Ճեմարանի դասերը:

